



Universitätsbibliothek Paderborn

**R. P. Richardi Arsdekin Soc. Iesu S. Theol. Professoris
Theologia Tripartita Sive Resolutiones Polemicæ,
Speculativæ, Practicæ, Controversiarum, & Quæstionum,
etiam recentissimarum, quæ in Schola, & ...**

Missionarijs, & alijs animarum Curatoribus, & Theol. studiosis solerter
accommodatæ ...

Complectens copiosè Resolutiones Theologicas, etiam modernas, ad
praxim accommodatas

Archdekin, Richard

Antverpiæ, 1682

Qu[æ]estio 28. De infantium Baptismo apud hæreticos: per plures
quæstiones.

urn:nbn:de:hbz:466:1-40873

Pars 3. tit. 6. Resolutiones practica ad &c. 577
proclamationes tantum declaratur contractus
matrimonii futuri inter certas personas; ut sine
ullius injuria, & legitimè celebrentur: sicut
ergo hujusmodi proclamationes pro aliis con-
tractibus in templis hæreticorum legitimè adhi-
bentur, nihil ob stare videtur quo minus ibi-
dem sine crimine proclamationes matrimonii
etiam inter Catholicos futuri præmittantur.

Benedictiones Nuptiales.

AN si matrimonium hæretici sit clandestinè
contractum validè cum persona Catholica
ubi non obligat Tridentinum, & conjux Ca-
tholicus nolit consummare ante benedictiones
nuptiales, tum liceat Parocho nuptias illas be-
nedicere in favorem conjugis Catholici?

Resoluit Lugo, de fide disp. 14. sect. 5. §. 5.
n. 158. contra Sanch. de matr. l. 7. d. 3. n. 13.
non apparere rationem sufficientem, cur Sa-
cerdos in dicto casu non possit preces & ora-
tiones consuetas ad illos benedicendos adhibe-
re, & coram illis, atque etiam pro illis Missæ
Sacrificium offerre; secluso tamen omni scan-
dalo, & aliis præceptis, vel extrinsecis incom-
modis, quæ facile ex tali actione oriri possint.
Quia probabile est quod pro excommunicato
tolerato possimus offerre Ecclesiasticas & publi-
cas preces, & ipsum Missæ Sacrificium, ut et-
iam docet Hurt. de fide disp. 76. §. 16.

**QUÆSTIO XXVIII. Infantium Baptismus
apud hæreticos.**

AN infans qui ad januam Ecclesiæ apud hæ-
reticos, aut alios expositus invenitur, pos-
sit

Tom. II.

B b

fit,

578 *Part. 3. tit. 6. Resolutiones practica ad Sc.*
fit, aut debeat, saltem sub conditione, Baptizari?

R Espondeo affirmativè, contra Henriquez, & quosdam alios, nisi apud infantem certum aliquod collati baptismi testimonium inveniat: quod verum existimo sive infans in urbe hæretica, sive Catholica exponatur. Ratio est, quia facile contingit mulierem partum occultè effudit, tantum sollicitam esse de crimine tegendo, & puero à se quam primum amovendo, de pueri autem spiritali salute eo tempore parum laborare. Cum ergo in re tanti momenti debeat haberi moralis certitudo, infans sic expositus sub conditione baptizandus erit: idque olim in Concil. Eboracensi statutum fuisse refert Baronius in Annal. tom. 12. Et ita docet Vasquez hic *disp. 126. n. 22.* & Tannerus de bapt. *disp. 4. quest. 6. dub. 4. n. 112.*

QUÆSTIO XXIX.

AN infans quem alter parentum vult tradere Ministro hæretico post aliquot tantum menses baptizandum, possit interea à Catholico Sacerdote baptizari?

R Espondeo affirmativè, cum Lessio in *Aur. Char. v. Baptismus cas. 2.* Quia alter patens jus habet ut curet prolem suam consueto tempore ritè Baptizari, ne interea absque Baptismo fortè moriatur. Neque refert quod sciat jussu alterius post aliquot menses iterum baptizandum, quia ad Baptismum postea secutum censetur tantum se permissivè habere, propter rationem jam dictam.

QUÆ.

QUÆSTIO XXX.

AN si paulo post Baptismum Catholicè susceptum, contingat infantem deferri ad ministrum hæreticum publicè baptizandum, liceat parentibus id permittere, & de baptismo prius collato, silere?

Respondeo, non licere parentibus positivè filium offerre ut rebaptizetur, vel ad hoc ullo modo cooperari: potest tamen fieri ut illicitum non sit eo casu se tantum passivè habere, non impediendo alios qui prolem deferunt baptizandum, quando id sine gravissimo damno impediri non potest: Neque ad hoc necesse est priorem baptismum manifestare, sed sufficit indicare sibi nullo modo placere quod à Ministro illo baptizetur. Et ita resoluit Lugo de fide disp. 14. sect. 5. §. 5. n. 164. Ubi addit, quando casus ille prævidetur eventurus, procurandum potius ut infans prius à sacerdote Catholico non baptizetur. Quia minus malum videtur baptismum suscipere à solo hæretico, quam rebaptizari: ex duobus autem malis minus est permittendum, quando utrumque impediri non potest.

QUÆSTIO XXXI.

AN à Sacerdote Catholico licitè baptizentur hæreticorum liberi, quando post baptismum parentibus restitui debent, cum probabili periculo futuræ perversiōis? Negat Suarez hic disp. 25. §. 5. Coninc. quæst. 68. art. 10. n. 81. Quia eadem ratio videtur esse in filiis hæreticorum, & infidelium, quos

580 Pars 3. 17. 6. Resolutiones practicae ad Gr.
Doctores passim negant baptizandos esse,
quando cum tali perversionis periculo restitui
debent.

Respondeo nihilominus, liberos haereticorum in praedicto casu baptizari posse: & eam praxim in Germania à viris doctis & piis sapienter observatam fuisse docet Layman *lib. 5. tract. 2. cap. 6. n. 12.* Ratio est, quia illud periculum perversionis non est certum, aut propinquum, cum facile fieri possit ut infantes illi ante usum rationis moriantur, & per baptismum salventur: observant enim nonnulli tertiam partem hominum ante completam septennii aetatem ex hac vita discedere.

Ad rationem pro opposita sententia supra allatam, dico disparem esse rationem de liberis modernorum haereticorum, ac aliorum infidelium. Quia haeretici Christi nomen, cultumque non detestantur, & plerumque spes non exigua est fore ut aliquando in fide Catholica instituantur, quam facilius recipiunt si postea intelligant se à sacerdote Catholico baptizatos fuisse.

QUESTIO XXXII.

An liceat Catholico adire Parochum haereticum, ut infantem jam baptizatum esse declaret, ejusque nomen indicet, ne iterum ab haeretico ad baptismum quaeratur?

Respondeo cum Lugo de fide *disp. 14. sect. 5. cap. 3. n. 1163.* hoc ita posse fieri ut maneat actio merè politica, dum sit eo tantum fine, ut constet de baptismo, & nomine infantis. Si tamen interveniat aliqua agnitio potestatis, aut ministerii spiritualis in Ministro haeretico, aut aliquod